

Ս. Աստուածածնի՝ և Եստենի անդ յայտնապէս առաջի ամենեցուն հրաժարեցաւ 'ի կոչմանէն յայնմանէ: Խնդրեալ էին երբեմն և ժողովուրդք Կարնոյ զԳրիգոր՝ Առաջնորդ քաղաքին իւրեանց՝ այլ չէր հնար լինիլ այնմ:

Ապա առաջի եղին հրաւիրակքն էջմիածնի զայլ զիր • եթէ չառնուցու յանձն Գրիգոր, ասեն • խնդրեմք զՂազար վարդապետն Ջահկեցի, և ոչ զայլ ոք • դրեցին յայնժամ առ Ղազար վարդապետ 'ի Զմիւռնիա, զի ելեալ անախ երթիցէ 'ի Ս. էջմիածին • (Օգոստոս 7): Ի վաղիւն տօն Եփեսոսի Ս. Ժողովոյն, եկն հրաման խիստ յեկեղէն Մէհէմէտ Փաշայէ առ Յովհաննէս Պատրիարք, պատուիրել յեկեղեցիս, զի մի՛ երգեսցեն զյետին երիս տունս Ով հրաշալի երգոյն, և նա առ ահին, այնպէս արար • Եւ եղեւ ազմուկ և Խոռովութիւն 'ի մէջ ժողովրդոց • Ոմանք 'ի Կեսարացոց ետուն ասել յիւսկիւտար զՇարականն զայն և ւատնեցան 'ի թի Արքունի նաւատեղեաց ոգիք 6 (Սեպտեմբեր 12): Եսարքոսն Մէօհսիւն օլլու դարձաւ 'ի պատերազմէն դրօշիւք և երեւելի փառօք, և եմուտ 'ի մայրաքաղաքն և զնաց 'ի պալատն Արքայի • Եւ ապա ընկեցեալ 'ի պատուոյն տարադրեցաւ 'ի Թեսաղոնիկէ, և փոխանակ նորա ամբարձաւ յայն իշխանութիւն Գայմազաճ, հակառակն քրիստոնէից (Յունվար 20): Ամբաստանեցաւ Ղազար վարդապետ 'ի Դուռն 'ի Բդեշխէն Կարնոյ, իրր առանց հրովարտակի, և առաքեցաւ նուիրակապետն Եսարքոսին ամել զնա 'ի Կոստանդինուպօլիս • Թէպէտեւ Գրիգոր և Յովհաննէս բազումս աշխատ եղեն դարձուցանել զնա յետս, այլ չեղեւ հնար: (Փետրվար 2) Ըլուան թէ մեռեալ է Բդեշխն Կարնոյ, և Ղազար վարդապետ զերծեալ 'ի Ս. էջմիածին: (Մարտ 13) Եւ արտաքս թուղն կայսերական, և Վէզիրն մեծ գնաց 'ի պատերազմ ընդդէմ Աւստրիոյ: Յերկրորդ կիւրակէի ազուհացից, խորհեցան Գրիգոր և Յովհաննէս ընդ գլխաւորս ազգին, և առաքեցին զոմանս առ դեսպանն Գաղղիոյ, լինել միջնորդ և ձեռնառու կարգադրութեան խնդրոյն Երուսաղէմի (1738, յ2 Ապրիլի): Յետ կատարելոյ Գրիգորի զտօն Պասեքին յեկեղեցի Ս. Գեորգոս, դարձաւ յիւսկիւտար 'ի վանքն • Եւ մեծաւ ջանիւք զնեաց զերիս բաժինս այգւոյ տեղոյն